



KEMENTERIAN PELANCONGAN,  
SENI DAN BUDAYA  
JABATAN KEBUDAYAAN  
DAN KESENIAN NEGARA

# KENYATAAN MEDIA

[www.jkkn.gov.my](http://www.jkkn.gov.my)

UNTUK SIARAN SEGERA

Bil. 26/2022

**“ALERT”**: Seramai 12 peserta akan berentap dalam Peringkat Akhir Pertandingan Bintang Asli Remaja Kebangsaan 2022 dan Johan akan membawa pulang wang tunai sebanyak RM5,000.00.

## **JKKN SEMARAK LAGU IRAMA ASLI**

**MELAKA, 12 November 2022** – Kementerian Pelancongan, Seni dan Budaya (MOTAC) menerusi Jabatan Kebudayaan dan Kesenian Negara (JKKN) menganjurkan Pertandingan Bintang Asli Remaja Kebangsaan 2022 memasuki edisi ke -11 bertempat di Panggung Seri, Auditorium Kompleks JKKN Melaka.

Majlis malam ini turut dihadiri oleh Tuan Yang Terutama Tun Seri Setia (Dr) Haji Mohd Ali bin Mohd Rustam, Yang di-Pertua Negeri Melaka dan isteri, YBhg Toh Puan Datuk Wira Hajah Asmah Abdul Rahman serta YBrs. Puan Munawati binti Yaacob, Timbalan Setiausaha Bahagian Dasar Kebudayaan, Kementerian Pelancongan, Seni dan Budaya dan YBrs. Encik Mohd Amran bin Mohd Haris, Timbalan Ketua Pengarah (Dasar dan Penyelidikan) JKKN.

Antara tujuan pertandingan ini diadakan adalah untuk memulihara, mengembang dan mempopularkan lagu-lagu Melayu Asli di kalangan remaja di negara ini. Selain dapat meningkatkan aspirasi dan minat masyarakat terhadap lagu-lagu Melayu Asli, ia juga dapat menitik beratkan lagu-lagu Melayu Asli. Selain itu juga, ianya bertujuan bagi membendung penularan muzik luar yang menggugat dan menyimpang dari landasan kebudayaan kebangsaan.

Beberapa artis tempatan telah dilahirkan melalui program ini antaranya Syura, Siti Nordiana, Syikin, Dayang Nurfaizah, Saiful (Malaysian Idol), Aliff Azfar dan Farawahida (Johan HMI). Pertandingan ini telah bermula pada 24-30 Oktober 2022 yang lalu dan telah menerima sebanyak 24 penyertaan dari setiap negeri. Seramai 12 peserta akan berentap di pentas akhir untuk menunjukkan kehebatan bakat dalam nyanyian lagu melayu asli.

Antara finalis yang akan berentap dan seterusnya mewakili negeri ialah Nur Dalilah Husna binti Ahmad dan Muhammad Raziq Syahmi bin Abd Rashid (Wilayah Persekutuan Kuala Lumpur), Zaharmirzatul binti Azlan dan Hafizuddin bin Jamaluddin (Sarawak), Nurnabihah binti Mohd Sukeri dan Afiq Haziq bin Mohd Hanisa (Johor), Adriana Azzara binti Mohd Rizal (Pulau Pinang), Nur Yasmindania Hannah binti Yusaini (Selangor), Nur Nadhirah binti Abd Wahab (Negeri Sembilan), Muhammad Rizki Shukri bin Rosdi (Pahang), Muhammad Suffian bin Khirham (Melaka) dan Muhammad Imran bin Abdullah (Negeri Sembilan)

Peserta yang bertanding pada malam ini akan diadili oleh juri professional iaitu S. Atan, Noraniza Idris, Siso, Azizul Hakim, dan Fitri Hiswady. Johan pertandingan akan menerima hadiah wang tunai sebanyak RM5,000.00, Naib Johan berjumlah RM3,000.00 dan Tempat Ketiga sebanyak RM2,000.00 manakala saguhati akan menerima wang tunai sebanyak RM500.00. Pemenang Vokal Terbaik dan Persembahan Terbaik masing-masing akan memabawa pulang hadiah wang tunai sebanyak RM500.00. Semua kategori akan menerima Piala Iringan dan Sijil. Johan turut akan menerima Piala Pusingan.

“Pertandingan Bintang Asli Remaja Kebangsaan (BARK) merupakan satu-satunya program pencarian bakat dalam bidang seni suara yang menjadikan lagu-lagu asli sebagai landasan utamanya apatah lagi pencarian ini adalah untuk kalangan remaja. Meskipun berhadapan dengan arus industri muzik semasa, JKKN merasakan adalah menjadi tanggungjawab penting untuk

menggalas amanah ini bagi memastikan kelangsungan serta ‘survival’ lagu-lagu rentak asli yang merupakan lambang jati diri dan ketuanan bangsa sebelum mereka mendalami dan menguasai genre muzik lain”, kata Encik Mohd Amran bin Mohd Haris, Timbalan Ketua Pengarah (Dasar dan Penyelidikan), JKKN dalam kenyataannya hari ini.

Bagi mendapatkan maklumat dan keterangan lanjut mengenai program ini, orang ramai boleh melayari media sosial JKKN melalui pautan [www.facebook.com/mysenibudaya](http://www.facebook.com/mysenibudaya).

**-TAMAT-**

**Dikeluarkan Oleh:**

Unit Komunikasi Korporat

Jabatan Kebudayaan dan Kesenian Negara

Tel: 03-2614 8200 Faks: 03-2697 0786

**Laman Sesawang:** [www.jkkn.gov.my](http://www.jkkn.gov.my) **E-mel:** [ukk@jkkn.gov.my](mailto:ukk@jkkn.gov.my)

**Platform Media Sosial Rasmi JKKN:**

Facebook: @Jabatan Kebudayaan dan Kesenian Negara dan @mysenibudaya

Instagram, Twitter & YouTube: @mysenibudaya

**Untuk Pertanyaan, Sila Hubungi**

Mazidah Binti Mustapha Pengarah Unit Komunikasi Korporat, JKKN <a href="mailto:mazidah@jkkn.gov.my">mazidah@jkkn.gov.my</a> Tel: 03-2614 8200 / 012-952 2095	Mohd Faiz bin Nawawi Pegawai Kebudayaan Unit Komunikasi Korporat, JKKN <a href="mailto:faiz@jkkn.gov.my">faiz@jkkn.gov.my</a> Tel: 03-2614 8200 / 011-3210 6486
--	---